

15 IULIE
RUGACIUNEA 1
SF.MUCENICI
CHIRIC SI IULITA DE LA ICONIUM

МОЛИТВА

О, святой великомучениче Христов Кириче, угодниче Божий! Ты во страдании своем первый предстатель Престолу Господню и никтоже близ Владыки разве Иоанна Предтечи превыше тебе предстоит. Призри, угодниче Божий, на ны, грешныя раби твоя, с материю твоею Иулиттою великомученицею призывающих вас с верою. Приимите убогую молитву нашу и сердце сокрушенное и токи слез. Помяните нас у Престола Господня, дабы мы, окаянии не объяти были сетьми врага и да не впадем во искушения, уже бо враг наш яко лев рыкает, ища кого поглотити и свести во ад жива. Мы бо многогрешнии и недостойнии раби ваши воспоминаем ныне страдания ваша святая – вы бо победителие вражия силы бысте: ты же, святой мучениче Кириче триех лет и двух месяц сый, не убоялся еси беззаконных мучителей Александра и Максимиана, обличая их богомерзкое идолослужение, вкупе же с

материю твою Иулиттою всечестною
многообразными муками томими от них бысте,
с радостию вся терпесте и болезни и скорби не
иместе, веровавше во Христа истиннаго Бога
нашего. Господь же благослови вы и рече:
«Кириче, рабе мой верный, аще кто от человек
имя твое призывает и мучение ваше
вспоминает, то избавлен будет диавольскаго
навета, или кто в болезни имя ваше призовет –
исцелю его, или кто дом нов строит да имя ваше
призовет – благословлю его и обогащу его
милостию Своею, или кий человек в напасти
впад – избавлю его, или кто по морю плавает –
то морской пучины избавлю его, или кто при
смертнем часе о имени вашем начнет просити
об отпущении грехов – оставятся ему.» Мы же,
недостойнии раби ваши обретохом вас
заступников наших, в бедах и скорбех
помогателей, да прославим вас во имя Отца и
Сына и Святаго Духа, ныне и присно и во веки
веков. Аминь.